



So nun diser gesiert planus abgesiolen fertig ist als dann stell den würffel darauf an sein stat zu gleicher weyh wie er dann die foren auf sein abgesiolen plano set. Das zu machen find also.

Nym die leng von einer seyten des würffels im foderen nider gedruckten grund vnd setz die mit zwey en puncten x.y. auf die vnderen zwerchlini. f.g. deiner yzigen abgesiolen fierung in der weyten von dem eck. f. so weyh sie stett im foderen nider gedruckten grund von der seyten des gesierten plano. c. f. Darnach zeuch zwei streym lini auf dem aug in die zwey puncten. x. y. zwischen disen zwei lini muß der würffel mit seiner vnderen fierung hinden auf disen planum gesetzt werden. Aber wie weyh hindern sich das auch so du in dem foderen nider gedruckten grund ein orstreich. e. g. reyst so wirt auch diser orstreich im nider gedruckten grund des würffels sein dann diser lini get durch seine zwey eck. j/a. vnd. z/c. Nun so das ist so zeuch auch ein ort lini. e.g. in deinem yzigem abgesiolenem feld wo dann diser durch schneyd die zwei streym lini. x.y. da setz auf der lini. x. ein. a. vnd auf der lini. y. ein. c. Darnach zeuch zwei zwerchlini auf den puncten. a.c. wo dañ die zwerchlini. a. durch schneydet die streym lini. y. da setz ein. d. Aber wo durchschneydet an die zwerchlini. c. die streym lini. x. da setz ein. b. also setz der gesierte planus vnden an den würffel mit sein vier ecken rechte auf den gesierten abgesiolenen plano. e.f.g. h. wie da foren in dem anderen.

Nun zeuch auf den vier ecken. a.b. c. d. vbersich vier aufrecht lini vnd die foderen zwei zeuch so hoch vbersich als lang da ist die zwerchlini. b. c. vñ zeuch obē in for gemelter höhe ein zwerchlini von einer lini zu der anderen vnd setz in die selben zwey eck ob dem. b. die ziffer. 2. vnd ob dem. c. die ziffer. 3. Darnach zeuch zwei streym lini auf dem aug in die zwey eck. 2. 3. wo sie dann abschnenden. a. d. da setz ob dem. a. die ziffer. 1. vnd ob dem. d. setz. 4. Also ist der würffel rechte gemacht wie in dem folgen abgesiolenem grund. Wie ich dann das hienach also hab aufgerissen. Eeich weyter ge.

